


Naoia onlaen sekuriti i stap kam moa impoten bitim bifo. Nomata we i nogat wan wei blong stopem cyber-atak, hemia hemi sam long olgeta isi wei blong kipim pesenol infomesen blong yu i sef oltaem.

Mekem bakap long data blong yu



Yusum wan ekstenol draev o cloud-base sevis, kopi data blong yu i go long wan narafala ples blong mekem se yu save tekem bak taem yu nidim.

Apdeitem operating sistem blong yu oltaem



Plante taem yu mekem apdeit hemi stap fiksिम olgeta wiknes we narafala i save yusum blong gat akses long sistem blong yu. Hemia hemi wan gudfala wei blong mekem olgeta oli no save gat akses.

Instolem antivaeres software



Olgeta antivaeres we oli stap onlaen samtaem oli no olgeta tru wan. Pem wan antivaeres long wan kampani we yu save trastem mekem putum long komputa blong yu.

Jusum olgeta strong paswod




Mekem difren paswod blong wanwan akaon blong yu – olsem ia sipos wan narafala man i tekem wan paswod blong wan akaon blong yu, bambae hemi no save gat akses long olgeta narafala akaon blong yu.

Setemap tu (2) – fakta otentifikesen (2FA)



Jusum blong yu oli sendem wan kod i go long wan narafala divaes blong yu olsem mobael fon taem yu stap login onlaen – hemia i help blong narafala man i no save go insaed long akaon blong yu.

Mekem wan ansa we bae yu save rimembarem blong save tekem bak akaon blong yu



Olgeta ansa we olgeta man oli stap yusum oltaem olsem nem blong animol we yu laekem o skul blong yu, hemi isi blong narafala man i save faenemaot. Jusum olgeta ansa we i no tru mo i had blong oli faenemaot.

Yu mas lukaot gud mo no trasten tumas olgeta fri WiFi netwok



Yu mas lukaot gud taem yu wantem yusum fri WiFi mo hot spot- hemi olgeta netwok we bae yu no mas trastem tumas from se bambae narafala man i save luk wanem yu stap mekem.

Yu mas save gud long olsem wanem blong yusum sosol media



Wanem yu postem onlaen i save givim fulap infomesen long olgeta cyber kriminol we bae oli save yusum agensem yu. Setemap akaon blong yu i go long praqevesi blong mekem se olgeta fren mo famili blong yu nomo oli save luk.

No givimaot olgeta pesenol infomesen



Sam taem i gat samfala imel we oli luk olsem se oli tru be oli save trikim yumi blong givim pesenol mo faenansol infomesen blong yumi. Jekem mo luk sapos yu save trastem ieml ia.

Jekem gud evritaem olgeta stetmen blong bank



Jekem gud stetmen blong bank blong yu hemi fesfala ples we bae yu luk save se wan man i stap gat akses long akaon blong yu. Kolem bank blong yu kwiktaem taem yu luk save.

Jekem evritaem kredit blong yu



Mekem wan anuol kredit jek bae i save mekem yu luk save se wan man i stap yusum olgeta infomesen blong yu blong tekem lon o kredit.

Blong ripotem wan cyber sekuriti problem, plis go long <https://cert.gov.vu/>